

Platt partu:

Rundbreef Plattpartu 2024-01

Na Wiehnacht, na den ganzen Doon wüllt wi Silvester danzen gohn!

Frohes nieges Johr, leve plattdüütsche Maten un Frünnen!

Ja, dat wünscht wi uns un enanner! Mutt ja keen sensaschonelles Johr ween -- en ganz normales Johr wöör mi langen, en Johr, dat keen niege Pandemie orr Natuurkatastrooph un keen niegen Krieg bringt. Wi sünd ja bescheden worrn. Wenn uns so en Johr schenkt warrt, wüllt wi sülven allens doon, [Freden to schaffen un uns Tosamenholl un Demokratie to wohren](#). Verspraken.

In'n Christmaand harrn wi mit de Aktualitäten in de Welt bloots heel wiedlöftig to doon. Denn uns wunnerbore Maten (m/w/d) hebbt uns mit so en Füllhoorn vun wiehnachtliche Bidräg bedacht, dat wi op reinweg alle Flacken Advent un Wiehnachten fiert -- sünnerrlich avers op [De Welt un Gott](#) mit sien Ünnerflacken. Kiekt sik mal de Liste nerrn an!! Dor kann ik hier nu nich mehr doon as düt un dat rutstrieken -- wat eentlich ungerecht is, denn allens is schön. Also, uns Wiehnacht düt Johr hett eendüdig en musikaalschen Inslag. Uns Behrend Böckmann hett en lütte Reeg Wiehnachtsleder ut ünnerscheedlich Länner ([Frankriek](#), [Puerto Rico](#), [USA](#), [Öösterriek](#), [USA](#)) tosamenstellt, un Ludgerd Lüske un ik [hebbt dree tradischonelle düütsche Leder översett](#). Wiehnachten warrt also sunge! Ludgerd Lüske hett ok de Adventsreeg ([eerste](#), [tweide](#), [drüdde](#), [veerte](#) Advent; [Wiehnacht](#)) för düt Johr gestalt -- mit Zitate, de de anknapte Welt in de Wiehnacht mit rinneht. Denn de Wiehnacht [gellt ja sünnerrlich de Armen un Verfolgten](#). Vele Vertellsels findt sik [hier](#) un [hier](#), dorünner so köstliche as de vun de [friefreterschen Wiehnachtsmänner](#), aver ok [anrögen welk](#) orr [mystische as de vun Hans-Hermann Briese](#). Un veel anners. Smökern lohnt sik.

Erika Fischer beendt ehrn smucken Bild-Vers-Kalenner mit den [Christmaand](#) un en extra [Kalennerblatt to Wiehnacht](#). Op't [Kinnerflack](#) sünd wohraftig dree niege Märken dortokamen -- versteiht sik in de Wiehnachtstied. Dat de Kinner avers [de Schuld an't Pisa-Destaster kriegen schallt](#), maakt Meike Balzer-Fraun reinweg dull. -- Op't [Natuur-Flack](#) dorgegen is noch Flaute, bloots in't [Notizbook](#) findt sik Sporen vun'n Winter.

Un denn keem Silvester. Wi möögt ja all beten Spaaß, un wi hebbt gistern Nacht ok poor schöne Raketen gen Himmel schickt; [avers mennigmaal is dat Böllern to veel](#). Glieks na'n 26.12. geiht dat los, [anduernd knallt dat](#), de lüttjen Deerten verfehrt sik, nee danke. Allens to sien Tied. So höp ik ok, dat de Wiehnachtsfreid bi Se all noch anhollen deit, dat Se den Wiehnachtsboom nich glieks an Niejohr vör de Döör sett un na de lange Wiehnachts-Vörfreid (dree Maanden lang geiht dat je woll) ok en richtige Wiehnacht fiert, [en Tied, de de beiden Johren verbindt](#). Un för't niege Johr wünscht wi hartens allens Gode för all uns Maten! Hollt sik fuchtig!

Wi leest uns wedder Anfang Februarmaand.

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Notizen ut'n Maimaand](#). Fotos un Verse vun Marlou Lessing (30.12.)

[Dat Wihnachtslicht](#). Bild un Vers vun Erika Fischer (22.12.)

[Kalenner 2023: Dezember — Christmaand](#). Bild un Vers vun Erika Fischer (2.12.)

De Welt un Gott:

[Fief Wihnachtsleeder ut fief Länner: Dei lütt Trummler](#). Vun Behrend Böckmann (26.12.)

[För Opa Diek to Wiehnachten](#). Vun Hans-Hermann Briese (26.12.)

[Advent 2023: Wiehnachten](#). Vun Ludgerd Lüske (25.12.)

[Wiehnachten för Wiehnachtsmann](#). Vun Hans-Hermann Briese (25.12.)

[Singt en Leed! Is Wiehnachtstied! An'n Wiehnachtsboom dei Kessen schient...](#) Översetten vun Ludgerd Lüske (24.12.)

[Advent 2023: Dei veierde Advent](#). Vun Ludgerd Lüske (24.12.)

[Fief Wihnachtsleeder ut fief Länner: Stille Nacht, heilige Nacht](#). Vun Behrend Böckmann (24.12.)

[Wihnachtsmänner keemen stiepen](#). Vun Behrend Böckmann (22.12.)

[Singt en Leed! Is Wiehnachtstied! En Schipp is op de Fohrt...](#) Översetten vun Marlou Lessing (21.12.)

[Wiehnachten in Afrika](#). Vun Behrend Böckmann (21.12.)

[Singt en Leed! Is Wiehnachtstied! Leev Nachtigall, waak op](#). Översetten vun Marlou Lessing (17.12.)

[Advent 2023: Dei darde Advent](#). Vun Ludgerd Lüske (17.12.)

[Fief Wihnachtsleeder ut fief Länner: Jingle Bells](#). Vun Behrend Böckmann (17.12.)

[Maria](#). Vun Hans-Hermann Briese (17.12.)

[De lesden Dage var Wiehnachten. Ut'n Dagebauk von'n lütschen Bengel](#). Opeschreven van Karl-Otto Dorendorf (14.12.)

[Fief Wihnachtsleeder ut fief Länner: Feliz Navidad](#). Vun Behrend Böckmann (14.12.)

[Wiehnachten an Boord](#). Vun Hans-Hermann Briese (10.12.)

[Advent 2023: Dei tweede Advent](#). Vun Ludgerd Lüske (10.12.)

[Fief Wihnachtsleeder ut fief Länner: Petit Papa Noël](#). Vun Behrend Böckmann (10.12.)

[Sportslüüd](#). Vun Berthold Cordes (3.12.)

[Advent 2023: Dei eierste Advent](#). Vun Ludgerd Lüske (3.12.)

In't [Lütte Gebeedbauk](#):

[To't Nie Johr](#). Vun Hein Klüssendörp (29.12.)

[Wahlsprook för dat tokamen Johr](#) (26.12.)

[Advenit - He kümmt](#). Vun Marlou Lessing (3.12.)

Natuur un Wetenschap:

In't [aktuelle Natuur-Notizbook](#):

[Winter Sun](#). Vun Meike Balzer-Fraun (17.11.)

[Geminidennacht](#). Vun Marlou Lessing (14.12.)

[Anbaden](#). Vun Marlou Lessing (10.12.)

Wat in de Welt vörgeiht:

[Wenn't Böllern tauvål ward.](#) Vun Behrend Böckmann (30.12.)
[Dei korten Däch. Riemel för flüchten Minschen](#) vun Behrend Böckmann (22.12.)
[De Oppers krieght de Schuld.](#) Vun Meike Balzer-Fraun (7.12.)

In't [plattdüütsche Notizbook](#) vun Marlou Lessing:

[Borendeenst](#) (30.12.)
[Politikers verklaagt keen Politikers](#) (29.12.)
[Wiehnachten opgeven?](#) (17.12.)
[Slechte Witze](#) (14.12.)
[En echt bleude Naam](#) (2.12.)

För Kinner:

[Modder Sünn ehr Kinner: De Wiehnachtsvågel.](#) Märken vun Sophie Reinheimer, överdragen
vun Klaus-Dieter Tüxen (26.12.)
[De nördliche Wiehnachsmann.](#) Vun Richard Weigand (24.12.)
[Modder Sünn ehr Kinner: De Mann vör't Huus.](#) Märken vun Sophie Reinheimer, överdragen
vun Klaus-Dieter Tüxen (7.12.)

Platt to Hand:

[Töben up't Fest.](#) Vun Behrend Böckmann (10.12.)

Hartlich grööt

Marlou Lessing un dat lütte Plattpartu-Team